



Hans Enoksen
Inatsisartunut ilaasortaq, Partii Naleraq

Ajoqit organistillu pillugit § 37 184/2019 naapertorlugu apeqqummut akissut

14-05-2019
Sagsnr. 2019 - 11437
Dok. nr. 10710611

Asasara Hans Enoksen,

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Kalaallit Nunaanni ajoqit atuaasutut atorfillit qassiuppat?

Akissut: Ullormi 01.05.2019-imi ajoqit 38-t sulisorineqarput 11-llu ajoqinngorniartuullutik. Taakku saniatigut ajoqinut ajoqinngornialluunniit taartaat 16-it sulisorineqarput.

Apeqqut 2: Kalaallit Nunaanni ajoqit atuaasutut atorfiit qassit inuttaqanngillat?

Akissut: Atorfiit sisamat inuttaqanngivissorput. Taakku saniatigut, qulaani takuuk, atorfiit 16-it taartinik inuttaqarput.

Apeqqut 3. Kalaallit Nunaanni ajoqit atuaasutut atorfillit qanoq akissaasersorneqarpat?

Akissut: Isumaqatigiissut tamanik takuneqarsinnaavoq uani www.naalakkersuisut.gl, aamma uani:
https://naalakkersuisut.gl/~media/Nanoq/Files/Attached%20Files/Overenskomster%20og%20aftaler/DK/SIK%20omraadet_SIK/20141114320%20SIK%20%20kateketer%20og%20organister%20mrettelsesbl%2020142018.pdf

Naalakkersuisut taakku saniatigut ilisimatitsissutigisinnaavaat isumaqatigiissutini nutaani qanittumi naammassineqaqqammarsuni akissarsiat qaffannerat anguneqarmata.

Apeqqut 4: Kalaallit Nunaanni oqaluffinni organistit inuttaqartut qassiuppat?

Akissut: Organistit 24-t aalajangersimasumik atorfeqarput qaammammusiaqartinneqarlutik. Taakku saniatigut atorfiit 18-it taartaasunik inuttaqarput.

Apeqqut 5: Kalaallit Nunaanni oqaluffinni organistit inuttaqanngitsut qassiuppat?

Akissut: Atorfiit 27-t inuttaqanngillat. Taakku saniatigut atorfiit 18-it, qulaani takuuk, taartaasunik inuttaqartinneqarput.

Apeqquut 6: *Kalaallit Nunaanni oqaluffinni organistit qanoq akissaasersorneqarpat?*

Akissut: Organistinut isumaqatigiissut ajoqinut isumaqatigiissummut ilaatinneqarpoq, taakkulu SIK-p ataaniillutik, www.naalakkersuisut.gl-imut innersuussisoqarpoq, takuuk qulaaniittoq.

Naalakkersuisut taakku saniatigut ilisimatitsissutigisinnaavaat isumaqatiginninniarnert naammasseqqammersut nutaamik isumaqatigiissuteqarfiummata malunnaatilimmillu akissarsianik qaffaanermik kinguneqarlutik.

Apeqquut 7: *Ajoqit illoqarfinni nunaqarfinnilu arlariippata akissarsiat avinneqartarnersut, isumaqatigiissut suna tunngavigalugu taamaalisoqartarpa?*

Akissut: Illoqarfiit nunaqarfiillu tamarmik aallaaviatigut ataatsimik aalajangersimasumik atorfilimmik ajoqimik/ ajoqitut ilinniartumik ataatsimik qaammammusiaqartumik kiisalu organistimik ataatsimik aalajangersimasumik atorfeqartumik qaammammusiaqartinneqartumillu sulisoqartussatut inissisimmammata. Sumiiffimmi ataatsimi assersuutigalugu ilinniarsimasunik arlalinnik ajoqe-qarpat ataatsimik atorfinittoqarnissaanik toqqaasoqassaaq. Sumiiffinnili arlalinni ilagiit aalajangersimasumik atorfeqartitsinerup saniatigut taartaasartussamik peqarput. Taamaattoqarpoq aalajangersimasumik atorfeqartumik oqilisaasarnissaq siunertaralugu illoqarfinnilu annerni tamanna atorneqarnerulluni.

Med venlig hilsen
Inussiarnersumik inuulluaqqusilluta


Ane Lone Bagger